



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დულაშვილი ნუნუ იროდიონის ასული



დულაშვილი ნუნუ (ნინო) იროდიონის ასული (დ. 7. II. 1934, თბილისი), კომპოზიტორი და მომღერალი. საქართველოვნ. დამს. მოღვაწე (1983). ა. წერეთლის სახ. პრემიის ლაურეატი (1997).

ნ. დულაშვილი

1959 დაამთავრა თბილ. ვ. სარაჯიშვილის სახ. სახელმწ. კონსერვატორია (ა. ბალანჩივაძის საკომპოზიციო კლასი). 1959-62 მუშაობდა კინოსტუდია „ქართული ფილმის“ დოკუმენტური ფილმების სტუდიაში მუს. რედაქტორად.

1962-იდან ეწევა პედ. მოღვაწეობას ზ. ფალიაშვილის სახ. მუს. ათწლედში. 1965-2002 საქართველოვნ. ტელევიზიის მუს. გაფორმების განყოფილების უფროსი იყო.

დ. ძირითადად სიმღერის ჟანრში მუშაობს. დ. თავისი სიმღერების საუკეთესო ინტერპრეტატორიცაა. აქვს ძლიერი, სასიამოვნო ტემბრის ხმა, პოპულარობა მოიპოვეს სიმღერებმა: „ქუთაისო“, „იმერეთის ნიავო“, „ღმერთი სიყვარულისა“, „ბათუმი რად ღირს, მარტო“, „ჩემი სიმღერა“, „ო, არა გაზაფხულზე“, „კახეთო“, „გადამრიე“, „გამიფრთხილდი“, „სამშობლო“, „გიყვარდეს საქართველო“, „ფიროსმანის ქალაქი“, „თბილისო, სიყვარულო“ და სხვ. (ი. ნონეშვილის, ი. აბაშიძის, მ. ქვლივიძის, ჯ. ჩარკვიანის, დ. გვიშიანის, ნ. დიასამიძისა და სხვ. ლექსებზე).

დ-ს დაწერილი აქვს აგრეთვე საფორტეპიანო კონცერტი, საფორტეპიანო სონატა, მუსიკა დოკუმენტური და სატელევიზიო, აგრეთვე თოჯინური ფილმებისათვის.

დაჯილდოებულია ღირსების ორდენით (1998).

თბილისის საპატიო მოქალაქე (2004).

თბილისის დიდი საკონცერტო დარბაზის წინ გაიხსნა დ-ის ვარსკვლავი (2012).
